



# CORS PAR INSEGNANTS

# CUÂL FURLAN TE SCUELE?

# PROSPETIVIS DIVIERSIS

# SU LA LENGHE PE DIDATICHE

par cure di Fabiana Fusco, Serena Martini e Gabriele Zanello

**NOVEMBAR 2025 – FEVRÂR 2026 / AULE 3**  
**AREE DE FORMAZION, VIE MARGRETH 3A, UDIN**

**VINARS AI 14 DI NOVEMBAR 2025 (15 – 18)**  
*I “fondamentâi” de scriture dal furlan: lenghe standard e varietâts*  
**GABRIELE ZANELLO** (Universitât di Udin)

**MARTARS AI 25 DI NOVEMBAR 2025 (15 – 18)**  
*Il linguistic landscape furlan: spazis publics e iniziativis privadis*  
**LUCA MELCHIOR** (Alpen-Adria-Universität Klagenfurt)

**JOIBE AI 18 DI DICEMBAR 2025 (15 – 18)**  
*La lenghe furlane e il cuadri des New Literacies: a ce pont sino?*  
**SERENA MARTINI** (Universitât di Udin – Universitât di Modena Reggio-Emilia)

**JOIBE AI 15 DI ZENÂR 2026 (15 – 18)**  
*Lenghe furlane e gjornalism: la atualitât in marilenghe*  
**ERIKA ADAMI** (gjornaliste)

**JOIBE AI 22 DI ZENÂR 2026 (15 – 18)**  
*Il furlan dai materiâi didatics: osservazions a partî dal PRIN MinEdu*  
**PAOLA SOLERTI** (ISIS ‘C. Deganutti’ di Udin)

**JOIBE AI 12 DI FEVRÂR 2026 (15 – 18)**  
*La lenghe furlane leterarie ae prove de didatiche*  
**DAVIDE TURELLO** (Otto-Friedrich-Universität Bamberg)

**JOIBE AI 19 DI FEVRÂR 2026 (15 – 17)**  
*Cuale didatiche dal furlan pai gnûfs locutôrs?*  
**FABIANA FUSCO** (Universitât di Udin)

Une des preocupazions plui vivis di chei che si preparin al insegnament di lenghe e culture furlane inte scuele o che za cumò si impegnin ogni di e je chê dal model di lenghe che la scuele e varès di proponi, e in chest contest il probleme che al ven riclamât plui dispès al è chel dal rapuart jenfri la varietât fevelade e la lenghe standard. Pe plui part des lenghis minorizadis o pôc pandudis, di fat, al è stât tirât fûr tal passât o al ven tirât fûr ore presint il probleme de standardizazion, ven a stâi de elaborazion di un model linguistic che al fasi di riferiment pe comunitât dai locutôrs. Lis istituzions linguisticis e culturâls, massime la scuele, a zuin une part di mediazion fondamentâl inte planificazion linguistiche, o sei intal svilup e inte codificazion de lenghe che la comunitât e acete tant che corete, e ancje inte promozion dal ûs de lenghe di bande

dai siei locutôrs potenziâi. I insegnants, duncje, par un viers a son simpri in contat cu la variazion linguistiche fondade sul ûs, par chel altri a son cussients des cuistions di uniformitât grafiche e di standardizazion, si che duncje la lôr atenzion si concentre cualchi volte su la “lenghe autentiche”, vâl a dî su la lenghe praticade dai locutôrs intai diviers ambits di ûs, cualchi volte sul fat di cjetâsi a lavorâ cun materiâi une vore eterogjenis dal pont di viste de standardizazion. Il cors al intint meti a fûc il dibatiment sul rapuart jenfri norme e variazion linguistiche, massime cuant che chestis considerazions a rivuardin la didatiche des lenghis e i imprescj destinâts par chest fin. Duncje al presenterà il probleme de standardizazion grafiche e morfologjiche, al proponarà une panoramiche sui modei di testualitât “publiche” (linguistic landscape, media, materiâi didatics, tescj leteraris), e alfin al frontarà la cuistion de didatiche dal furlan pai gnûfs locutôrs o par chei che a vegnin di fameis cun background migratori.

**UNIVERSITÀ DEGLI STUDI DI UDINE**  
HIC SUNT FUTURA

DIPARTIMENT DI LENGHIS E LETERATURIS, COMUNICAZION, FORMAZION E SOCIETÂT

**CEDA** – CENTRI DIPARTIMENTÂL SUL APRENDIMENT, LA EDUCAZION E LA FORMAZION

**Cors di laurea in Siencis de formazion primarie**  
*Percors pal insegnament in lenghe e culture furlane*

Il cors al è finanziât de

**REGIONE AUTONOMA FRIULI VENEZIA GIULIA**

In colaborazion cun

**ARLeF**  
AGENZIE REGIONÂL PE LENGHE FURLANE

**DocuScuêle**  
CENTRI REGIONÂL DI DOCUMENTAZION RICERCHE E SPERIMENTAZION DIDATICHE PE SCUELE FURLANE

Cul patrocini dal  
**Ufficio Scolastico Regionale per il Friuli Venezia Giulia**

Si pues notâsi al cors – DENTRI DAI 13 DI NOVEMBAR DAL 2025 – midiant dal sisteme informatic Esse3

La partecipazion al cors e je gratuite, si à dome di paiâ la marcje di bol di 16 euros cun PagoPA ae fin de procedure di imatricolazion online. A chei che a partecipin almancul ai doi tierçs des oris di lezion ur vignarà dât un atestât.

Il cors al è valevul tant che titul culturâl pe iscrizion inte liste regionâl dai insegnants cun competencis ricognossudis pal insegnament de lenghe furlane.

**Informazions te pagjine**  
[https://www.uniud.it/it/inseg\\_friulano7](https://www.uniud.it/it/inseg_friulano7)